

Headline	8,836 miskin tegar layak terima rebat TNB		
MediaTitle	SelangorKini		
Date	13 Mar 2019	Language	Malay
Circulation	250,000	Readership	750,000
Section	News	Page No	2
ArticleSize	141 cm <sup>2</sup>	Journalist	N/A
PR Value	RM 4,165		



## 8,836 miskin tegar layak terima rebat TNB

**SHAH ALAM** - Sejumlah 8,836 Ketua Isi Rumah (KIR) bagi golongan berpendapatan rendah B40 layak menerima rebat Tenaga Nasional Berhad (TNB) bernilai RM40 setiap bulan, yang bakal dilaksanakan dalam masa terdekat.

Dato' Menteri Besar, Amirudin Shari berkata, pelaksanaan itu berdasarkan keputusan diluluskan Kementerian Tenaga, Sains, Teknologi, Alam Sekitar dan Perubahan Iklim (MESTECC) yang dibentangkan semasa persidangan, pada bulan lalu.

"Pengguna elektrik yang layak menerima rebat ini ialah KIR

miskin tegar dan miskin yang tersenarai serta disahkan dalam sistem eKasih.

"Penerima yang layak akan menerima rebat RM40 setiap bulan sepanjang 2019," katanya pada sidang media selepas mempengerusikan Mesyuarat Majlis Tindakan Ekonomi Selangor (MTES), di bangunan SUK, pada 28 Februari lalu.

Turut hadir, barisan Ahli Majlis Mesyuarat Kerajaan Negeri.

Katanya, daripada jumlah isi rumah yang layak, sebanyak 6,416 masih belum mempunyai akaun TNB, kemungkinan belum

sempat membuka atau menyewa dan menggunakan kediaman milik orang lain.

Manakala 2,262 lagi adalah tambahan penerima rebat berkenaan berdasarkan data tahun ini.

"Bagaimanapun, Kerajaan Negeri akan cuba membantu terutama di pusat khidmat untuk membantu menukar akaun supaya mereka mendapat peluang menikmati rebat yang disediakan.

"Senarai data KIR yang tiada akaun elektrik, MESTECC akan membuat penyelarasan dengan Kerajaan Negeri melalui pejabat Ahli Dewan Negeri," katanya.